

Fundur haldinn í Skólaráði 23. nóvember

Fundinn sátu Arna Björk Þórðardóttir og Áslaug Eiríksdóttir fulltrúar foreldra, Magnea Einarsdóttir skólastjóri og Ulrike Schubert fulltrúi almennra starfsmanna, Katrín Dagmar og Margrét fulltrúar kennara, Halldóra Elín Einarsdóttir fulltrúi nemenda og nemendaráð skólans

Magnea skólastjóri kynnti reglur og störf skólaráðs fyrir nemendaráði. Nemendur voru hvattir til að tjá sig um hvaðeina sem lægi á þeim og spunnust fjörugar umræður um nokkur málefni.

Það fyrsta sem kom til umræðu var að nemendur í 10. bekk vilja fá starfskynningu og fara út í fyrirtæki og kynna sér starfsemi þeirra. Reynt verður að verða við þessu á vorönn og mun skólastjóri ásamt fleirum semja bréf og senda á fyrirtæki í Kópavoginum.

Nemendur vilja að þeir fái að taka lokapróf í sundi í lok 9. bekkjar. Þeir telja að flestir 9. bekkingar hafi þá náð þeirri leikni sem krafist er í grunnskólalögum. Huga þarf að viðmiðunarstundaskrá og þetta gæti verið snúið í töflugerð.

Áhugi er fyrir því að leikfimitímar séu tvöfaldir. Það fari of mikill tími í ferðir og stuttur tími í sal.

Nemendur á unglíngastigi telja að þeir muni læra meira og betur ef skólinn byrji klukkan 08:30 á morgnana. Fleiri nemendur mæti þá líka á réttum tíma í skólann.

Nemendum finnst oft of mikill hraði í matmálstímum, starfsmenn á vakt reki of mikið á eftir þeim við að borða. Þetta á ekki að vera vandamál, talað verður við starfsmenn á vakt.

Nú var komið að því sem hópurinn taldi gott við skólann sinn.

Nemendur eru upp til hópa ánægðir með skólann og kennara. Þeir fari vel undirbúnir í framhaldsskólann. Nemendur eru sérlega ánægðir með náttúrufræðikennsluna, kennarinn beiti fjölbreyttum kennsluaðferðum. Þyrfti að vera meira af því á unglíngastigi. Eins eru þeir ánægðir með allar stóru ritgerðirnar sem þeir vinna á stiginu. Þeir fá góða aðstoð og eru miklu betur í stakk búnir að takast á við ritgerðasmíð í framhaldsskóla en nemendur í skólunum í kring.

Nemendur nefndu að þeim líkaði vel þegar vinabekkir hittast. Alltaf sé gaman að hitta yngri nemendur. Eins nefndu nemendur að það væri gott að þurfa ekki lengur að fara út í frímínútur.

Nemendaráð vék af fundi og umræða hófst um önnur mál og þá aðallega um eldhúsið okkar. Skólastjórn og skólaráð hefur alltaf staðið í þeirri trú að eldhúsið sé **fullbúið eldhús**, þar sem

hægt væri að elda mat frá grunni. Nú hefur hins vegar komið í ljós að eldhúsið stenst ekki kröfur um brunavarnir og er í raun móttökueldhús. Steikarpannan hefur verið fjarlægð úr eldhúsinu.

Rætt var einnig um rafrettur og áhyggjur foreldra á því hversu algengar þær virðast vera meðal ungmenna. Ekki nota margir unglingar hjá okkur rafrettur og ekki í skólanum. Foreldraröltið er mjög virkt við skólann og talað var um að auka forvarnir á miðstigi gegn alls kyns fíkn.

Anna Mjöll Sigurðardóttir ritari